

培
榮先生心

小名是敬贈

南社詩集
第一輯

南社詩約

枯木吟草……會覺

止止齋近作……芝峯

亦樓詩草……龔鵬

竹園詩稿……虞愚

慧燈室雜……黃秋聲

寅申秋末客舊都適楊吉逢丈人於中山公園談次甚
歡繼出示太保武愍公當日對外事跡讀之凜然感賦

五律二章

天末西風急遺老客中逢問訊驚初見論文憶舊從故都文
物改園徑落花重寂寞秋聲裏傾懷話古松

國難頻年甚中原戰伐多結節無處所燬芋待松阿名士傷
時淚忠魂出塞歌男兒當此日應惜舊山河

次韻酬芝峯見懷

去歲客中同惜別今年別後又殘秋別時怕對離情苦強說
人生水上漚

頻年雲水各飄零不把無情學有情偏是鳥猿憐別慣聲聲
啼咽到天明

讀罷新詩意未安披衣夜起獨憑欄月明孤島鄉關遠此際
思君何處看

次韻和芝峯白湖即景兼寄金仙主人問疾

聞說慈谿有白湖淡妝西子綠陰餘金仙有約憐禪病何日
湖邊共小居

年年行脚亦堪哀四大無常老病催羨煞湖山風景好何年
許我一徘徊

林泉疎影綠漪漪淡蕩湖光此最宜爲問金仙病好否莫教
鷗鷺獨嬉嬉

次韻和灰木居士見訪

平生詩債未能消又遇東坡過小寮寂寞不堪供坐笑柴門
聊共聽秋潮

五老峯前問遠公千年同是拜高風虎溪白鹿今猶在三笑
何妨即個中

鐵圍山下有泥犁舊話如今莫再提淚溼老僧袈裟角此中
詩句尚無題

悼永學

永學年青好學余臥病聞南佛學院彼於功課之餘侍湯
藥殊勤懇旋赴武昌佛學院研究久不通訊今忽傳其已
死并欲刊行生平所爲之文即揮淚寫此以寄

小病君煎藥君死余不知臨空一憑弔憑弔復何詞

冬日登水操臺次竹園韻

宇宙鍾靈氣敢云才不才萬家風雨夕同上水操臺駭浪翻
空湧寒天送客哀古來征戰地惆悵幾人回

乙亥夏余移居兜率陀院竹園來宿遇雨晨起出示一
律索和末聯似有不勝寂寞之感因和原韻戲贈其行
普陀兜率白雲深幾度維摩費探尋萬頃煙波憑上下一天
影載浮沉枯禪慣住寒崖寺夜雨偏逢去客心一夕孤床
不得何時許我共長吟

次韻和竹園居士小病宿兜率陀院夜話

崖阿久住若潛龍獨聽空山夜半鐘小徑偶因來客掃柴門
時借宿雲封幾許人生成幻夢剎那世事悟階蛩維摩善說
無生法却爲秋山帶病容

乙亥客鷺江重陽後三日竹園居士庭園曇花盛開月
下小集得萬里同爲花下客句歸後續成一律兼寄竹
園夫婦并同席斯南女士芝峯慧童二同學祐先小迂
慧誠詞源諸子

萬里同爲花下客重陽過後又三秋優曇有意酬知己明月
無心解旅愁破鉢不堪經亂世芒鞋終許踏荒丘東籬再約
當何夕天際茫茫一淚流

崖居小病竹園夫婦見餽鮮橙吟此報之

崖間小病閉門深多謝維摩一字臨帶葉橙黃香更遠聊吟
橘頌報山陰

贈別枯先社友

四海皆兄弟逢君似故知
客中同惜別花下共吟詩
國難需才急時艱感歲遲
明朝攜手去萬里送行期

除夕

飄零一鉢久無家
不把浮生問歲華
國破有心空惹恨
愁深無淚只長嗟
風塵荏苒衰多病
生死流連泣暮鴉
除夕年年身作客
杖頭明日又天涯

植柳吟寄竹園逸君

晉代淵明去不回
村前楊柳少人栽
如今植下枝條嫩
囑付黃鶯莫使摧

簡竹園逸君雪堂慧誠諸子虎谿山遊

雨後新秋翠幕低
五峯山色與天齊
莫嫌野寺禪味淡
好踏青巒到虎谿

鷓鴣天（紅梅）

崖下紅梅占早春
枝枝含暈怯眉顰
清光偶露三分貌
疏影羞霏半點塵
肌愈瘦意彌真
說來冰玉也難倫
朱顏怕覩探花眼
肯逐鉛華見世人

止齋近作

芝峯

予居慈谿之白湖竹園居士以詩見寄語多悲苦次韻答之

大千郵亭耳人生皆過客猿鶴與沙蟲徒然爭黑白天地相懸視蒼蒼乃一色爾我均幻化雷聲發手隻此理原自然母作金躍出天風鼓溟渤溼性無偏側唯有達生人乘流絕出入胡爲老維摩悠悠長歎息祇緣衆生深遂增慈悲憶木落風露淒斂作秋容泣

車行香島道中

一車輕駛似驚鴻水色山光翕同海上雲峯連欲斷溪邊鳥道絕猶通周還仙島乘尻外俯仰人間申臂中行樂傷心俱未得銅駝鐵馬頌夷功

悼智藏

爾生自天台宿鍾聰慧質稚歲即離家輒負爲聖必驚江從我遊始讀經與律數載大精勤儕輩幾無匹迎陵試鼓音動搖如椽筆一瀉天河遙風雷供驅叱人神唱善哉波旬盡怕慄期成法中龍詎知賫志卒佛誠急絃聲我傷秀不實愧太上忘情斯人有斯疾

次竹園居士宿兜率陀院韻兼呈

大鈞憑誰起老龍寒濤澎湃盪盪鐘遙山一塔盤空湧初日
千林淨宿封論世每多絃外語悲秋不作草間蛩維摩手段
縱橫甚枯木禪僧也動容(註)

感時

(註)會覺上人自號枯木亦曾見和故云

羣峯海上列嶙峋柳標橫擔漂泊身雙眼空餘憂國淚一微
誰識頽山塵添燈讀史增悲慨擊鉢問天浪苦辛愧我未能
忘溼沫絮絮不伏毒龍瞋

壬戌中秋夜宿曹溪

萬疊雲山勞送迎曹溪一宿已聞名(註)況當今夜中秋月
明鏡非臺分外清

(註)鄉先哲永嘉大師曾參六祖座下祖留一
宿時號一宿覺焉

試浴曹谿

雨後青山韻更幽華南天氣尚初秋輕身一浴曹溪水已盡
千江萬里流(註)

(註)佛經有若人浴於大海者已用一切諸河
之水

三十五歲初度得「三十五年幻夢賒」疊成轆轤體五
首寄懷

三十五年幻夢賒修鱗赴壑未能遮鬢華已逐流光改味世
還同嚼蠟加雲水半生餘兩屨經書一枕愧三車比來詩意
蕭條甚瘦到寒梅未著花

秋鴻社燕逐風華三十五年幻夢賒玉壘半殘將破國袈裟
一領已無家閑身原似雲間鵲世事終同水上車不是山僧
偏避俗且看猿鶴與蟲沙

誰識此身生有涯趙州行脚自堪誇百千疊嶂雲蹤遠三十
五年幻夢賒夜寂瓶翻廬阜瀑晨征笠帶赤城霞今秋曾弄
曹溪月一宿人慚說永嘉

雲飛月駛斗橫斜大力負山獨自嗟柳絮春深狂舞蝶霜楓
秋老亂翻鴉萬二千日韶光逝三十五年幻夢賒造物何曾
私一物生成變壞自無涯

入海淘金困數沙法門如晦亂鳴蛙空中鳥跡深無着絃外
迦音靜不譁已得安心師少室亦曾訶佛友丹霞止啼黃葉
何時盡三十五年幻夢賒

重陽後三日夜賞曇花於竹園居士庭園次會覺上人

原韻

浮世飄飄何所似西風黃葉又深秋
當空皓月淒涼色轉瞬曇花零落
愁定慧寸心忘楚越是非一指笑
莊丘萍蹤聚散原無着唯有江聲不
斷流剎那榮悴惜曇花何似東籬菊
有秋名士美人多暮感空山明月動
深愁淵明恥俗開三徑惠遠求真老
一丘世路巉巖安足問天風夜夜翻
江流

詠五老峯

五老屹空立崢嶸貌不迂雲來生逸態
雨後益清臞倒影眠波靜昂頭招塔孤
微風吹爽籟鐘鼓助長吁

乙亥冬返甬探視亦幻疾別佛學會閩南佛學院南普陀南社諸友

歲盡海南似暮秋蕭蕭落葉動離愁
侵霜病羽偏憐雁沒浪輕身却羨鷗
惆悵別何堪三宿戀（註）歡呼幾得
百朋酬日斜江上扁舟去回首鷺門一
髮悠

（註）佛經有沙門樹下不得過三宿

亦樓詩草

樵生龔植

仿唐六如綺疏遺恨詠物十章

當年銀燭冷秋光深護知卿怯夜涼
一自香閨沉寂後度樓從此不曾張——屏風

忍看勝粉與殘脂久付塵封蛛網絲
萬丈情緣揮不斷開奩猶憶畫眉時——妝奩

不堪秋夢冷孤幃靜夜添香事已非
每恐泉臺香骨冷傷心無路寄寒衣——砧杵

愁眼背燈和淚看忍聽細雨夜關珊
淒涼已負生前約我自殘宵耐薄寒——衾

憶昔並頭號合歡可憐舊線賸孤鸞
宵來一霎傷心夢溼透淚痕總不乾——枕

寶炬春閨煥九霞憶分紅釵透輕紗
如今一點青如豆曾照羅幃並蒂花——燈

六幅冰綃織水紋朝朝香氣染羅裙
祇餘冷落蛛絲滿無復當時蘭麝薰——梳

簾捲珍珠曉並肩菱花一瞥化春煙
淒涼眉語人何處深怕宵來見月圓——鏡

一桁湘妃竹細編低垂欄外碧如煙可憐窄地無人捲任却
歸巢燕子噴——簾

六幅輕紗薄五銖沉沉如斗押流蘇春宵與子甘同夢不信
年來夢轉無——帳

捧硯抄書小有才安排筆墨妥妝臺那堪絳帳涼如水不見
殷勤問字來——文具

乙亥十月十六自壽感舊即寄申廈諸友

光陰催歲速短髮白爭絲病久醫延懶愁多酒最宜戀葛陂
馬伏困澤老龍癡壘塊消難盡餘情且付詩

卜宅避塵擾依山結一廬身窮妻妾慙路遠故人疎小屋浮
家艇開門抱膝居此生高傲慣耐靜自看書

我笑擔家拙開門七事無拔釵悲謝女截髮仰湛姑留客慚
懸釜行沽自挈壺每因嫌市遠負負總徒呼

書空方咄咄搔首已昏昏却問書爲侶傷心哭當歌至今仍
憔悴何以補蹉跎縱有雲游興其如馬齒多

儼指古稀近因循負此生安貧思息影欲淚強吞聲亂世舍
沙險舉家飲水清勞勞文劫在老至尚經營

壯年猶按劍一病過豪情懶似稽中散窮如阮步兵低頭埋
畫劫披髮入愁城萬籟適俱靜苦吟對短檠

悔被儒冠誤謀生況拙才千愁終不了生一禍突其來（註）
每以厚顏向難逢笑口開問天思把酒對影獨擎杯

（註）客秋次室逝世

漫羨夕陽好已同捲鳥還怕看新白髮羞對舊青山垂老時
偏易因貧日轉閒久無空谷響莫笑戶常關

贈竹園

風流濁世本翩翩百二同人最少年寶翰羨君能繼志書屏
一例壓南天

臨池妙墨見精神絕似吳興鐵畫勻豔福幾生消受得添香
況有管夫人

晴窗恰好寫黃庭自昔山陰本毓靈從此人間見玉枕君家
聞說傍蘭亭

竹園居士以曇花詩屬和次韻答之

萬樹桑蓮仍頃刻此花一現自春秋疏籬與菊爭寒豔文座
開曇破俗愁名士美人悲幻影空林皓月恨山邱怱怱無限
滄田感惟見大江日夜流

丙子年元日

千支逢丙子淑氣入新年地僻多沉静日高容醉眠一聲除
爆竹萬戶湧絲絃誰識予哀感披衣獨黯然

曉起瞳瞳日柴門傍午開頻將花徑掃知有故人來庭卉媚
晴色階衣淨宿苔家貧無一備愁坐悶擎杯

一笑鶉衣結忉忉強忍寒不堪除夕况無復舊時歡綠樹凋
爭葉瓶花凍未殘不經萬苦後那識世途難

誰信貧如此真無隔宿糧啼飢兒忽聞款客妾偏忙當酒思
烹茗行沽澀解囊不圖蘇季子忍恥亦還鄉

大地韶光滿驚看物候新艱難惟有淚休成竟無人臘盡猶
奇冷梅寒尚未春(註)一窩蠶臥繭醉任過芳辰

(註)今年元月十三立春

閒說歡文酒(註)嗟予在病何感時思一醉忍淚且高歌老
歎精神減累因家口多年來憔悴甚擬重入南柯

(註)得謝君函方知正元廈友集會圖書館拈

題鼓詩歡宴

消閒無別事醉夢雨紛紛美景誰家宴歡聲隔院聞寒花開
宿蕊晴氣掃浮雲日影移磚急醒時已夕曛

昔日邯鄲道繁華一枕安明知都幻夢聊勝舊單寒早被宦
情誤欲鑽塵網難悠悠天地窄賴有酒杯寬

竹園詩稿

山陰虞愚

送陳叟白入菲島

別緒縈懷苦何時再見君貧惟詩作餞愛故語無文海闊連
空翠天低接暮曛魚鴻來往便一爲賦停雲

江行

江漢渺無極懸崖片月高波濤千里闊風雨一身勞俯仰生
何益文章氣自豪壯懷消不盡長楫謝朋曹

贈曾詞源

落葉南窗響西風此夜過艱難俱有淚飄泊不能歌濁世知
交少紅塵白眼多相逢亟問訊詩思近如何

石鐘將適菲島索詩

將欲乘槎去滄溟動客愁詩聲吹海立人意與天浮寶布涼
過夏蠻花豔不秋異邦雖可樂回首念神州

與江亢虎先生登雲頂巖欣然有作以眎同遊連元希
蓮二子

疊嶂危崖亦壯哉雲間聯袂足徘徊穿林一磬空昏曉臥剝
殘碑半草萊紆磴石頑晴亦滑秋蟬聲曳晚逾哀鯢身已等
珠崖垂忍見扶桑蛟蜃來

感而賦此

中秋後二日許子照寔邀予作泛月遊旋飲於襟江樓
佳節雖過興未闌招朋同入泛江船空餘萬里飛騰志併入
三秋寥廓天月影長隨波上下濤聲自占海中邊清遊人世
能多少猛憶東坡赤壁篇
秋心零落餘孤憤破碎江山涕淚中暫友鯢鵬滄海上憑誰
砥柱大江東無依飛鵲今何在爰止瞻烏古已同且共登樓
拚一醉狂歌當哭我能雄

秋懷

微微霜月侵簾隙漠漠溪雲擁小樓孤雁寒砧思婦怨斜風
細雨旅人愁苔痕入戶顏爲古蛩語搖床夢亦秋心事已隨
年事去獨憐書幌夜燈幽

中秋夜遊白鹿洞

豪氣銷沉勝此身秋風如夢易傷神孤標石上松千尺炯照
天心月一輪南北東西長汎汎悲歡圓缺自頻頻舉頭愁見
山河影大好神州半已淪

暮光歸自北平又將適巴黎講學賦此志別

欲笑還成涕逢君又別君抗懷千里志振翮九天雲槎影隨
星轉濤聲雜梵聞巴黎明月夜能不惜離羣

秋柳四首用王漁洋元均

望秋搖落總銷魂，橫笛何須怨玉門。
露裊殘枝寒有淚，煙籠瘦影滲無痕。
風流空憶靈和殿，憔悴偏逢夕照村。
惆悵繫驂游侶盡，祇今別恨向誰論。

妒伊黃菊傲秋霜，刺有殘陰罩野塘。
攀折那堪當驛路，飄零端合作巾箱。
驚風葉盡隨流水，灑露枝曾伴法王。
省識色身難久住，也同示疾菩提坊。

舞腰銷瘦不勝衣，迴雪迎風舊態非。
褪盡黛痕眉慘淡，聽來鶯侶語依稀。
已知離別絲難綰，無復顛狂絮亂飛。
腸斷倚闌斜照裏，幾回悵黯素心違。

春色匆匆逝可憐，秋心都化萬條烟。
長亭酒散新愁長，灞岸人歸舊恨綿。
眠起無端悲歷劫，榮枯如夢惜流年。
愴懷豈獨桓宣武，淚灑金城古道邊。

與祐先宜容遊鼓山

振衣歷盡七山亭，紆磴迢迢入杳冥。
萬里雲鋪將海白，千行松密接天青。
懸崖古洞開心境，細雨疏鐘盪性靈。
喝水巖邊延佇處，最宜欹枕徹宵聽。

哭楊穉雲先生

予識穉雲先生始於去年，嘗引爲文字知己。今夏予因事

南遊未獲暢敘歸里後將往問訊不意先生已歸道山殮時憑棺一慟復作詩以弔之

傾蓋相逢似故知而今生死竟長辭
一身以外妻兼子半榻之中畫與詩
學律有人傳法乳（註一）借壽無分濟危時（註二）登堂不盡人琴感
夜月臨棺淚欲絲

（註一）先生還於法學因病未能出庭高弟譚

培榮能傳其學合辦事務所代辯護之勞

（註二）先生任國民政府文官處參事亦因病

未克任事

小病投兜率陀院留宿與會覺上人夜話

小病行藏似蟄龍
空林風送一聲鐘
隔江逝水兼天碧
遠塔留雲盡日封
禪榻夜閑論大計
石階秋老響寒蛩
版圖形勝今安有
相對愁看鏡裏容

養疴山中與會覺上人夜話曾以詩紀之再疊前均用廣其意

除病差同制毒龍
江村日夕落疏鐘
入山未撲塵三斗
涉世長留淚一封
千古江山隨逝水
五更心事伴秋蛩
祇今海外烽煙急
大宙將難一粟容